

Pertandingan Seni MyTIGER Values 2024

(Kategori Universiti/ Institusi Pengajian Tinggi)

GARIS PANDUAN PERTANDINGAN

Latar belakang

- MyTIGER Values ialah pertandingan seni lukis dan reka bentuk yang dimulakan oleh Maybank melalui Yayasan Maybank pada tahun 2018, bersempena sambutan Hari Harimau Sedunia, yang disambut pada 29 Julai setiap tahun untuk meningkatkan kesedaran tentang kepentingan keberadaan spesis Harimau yang terancam di muka bumi ini.
- Pertandingan ini berfungsi untuk menyediakan platform artistik untuk calon artis-artis muda yang kreatif, dan ianya kini terbuka kepada semua pelajar sekolah rendah, sekolah menengah serta institusi pengajian tinggi di Malaysia, tanpa mengira latar belakang pengajian mereka. Peraturan dan garis panduan pertandingan ini adalah berbeza mengikut setiap segmen umur peserta.
- Asas Pertandingan ini adalah berdasarkan nilai teras Maybank iaitu T.I.G.E.R. yang merangkumi nilai-nilai seperti — Kerja Berpasukan (Teamwork - T), Integriti (Integrity – I), Kemajuan (Growth – G), Kecemerlangan dan Keberkesanan (Excellence & Efficiency – E), serta Menjalin Perhubungan (Relationship Building – R).
- Bagi menyokong Matlamat Pembangunan Lestari (SDG) Pertubuhan Bangsa-Bangsa Bersatu yang bertujuan untuk menamatkan kemiskinan, menggalakkan kesihatan muka bumi dan memastikan masyarakat dapat menikmati keamanan dan kemakmuran menjelang 2030, Pertandingan Seni Lukis Nilai MyTIGER tahun ini akan memberi tumpuan kepada 12 daripada 17 SDG. Matlamatnya ialah tiada kemiskinan, sifar kelaparan, kesihatan dan kesejahteraan yang baik, pendidikan berkualiti, air bersih dan sanitasi, tenaga yang berpatutan dan bersih, kerja yang baik dan pertumbuhan ekonomi, bandar dan komuniti yang mampan, penggunaan dan pengeluaran yang bertanggungjawab, tindakan iklim, kehidupan di bawah air, dan kehidupan di darat.
- Matlamat-matlamat tersebut dipilih kerana ia seajar dengan tiga (3) tiang utama Yayasan Maybank; Memperkasa Pendidikan, Pemerksaan Komuniti dan Kepelbagaiannya Alam Sekitar. Yayasan Maybank ialah cabang tanggungjawab korporat Kumpulan Maybank, yang bertujuan untuk mewujudkan impak positif dan jangka panjang dalam komuniti di mana ia beroperasi.

Tujuan Program

- Pertandingan Seni MyTIGER Values ("Pertandingan") ini bertujuan untuk menyediakan platform buat pelajar-pelajar memamerkan bakat seni mereka sambil mempromosikan kesedaran tentang spesis harimau yang terancam dan ianya selaras dengan nilai teras T.I.G.E.R. Kumpulan Maybank. Bagi menyokong Matlamat Pembangunan Lestari Pertubuhan Bangsa-Bangsa Bersatu ("SDG"), Pertandingan ini memfokuskan kepada 12 daripada 17 matlamat SDG, bagi mencerminkan komitmen Yayasan Maybank terhadap impak komuniti merentas tiga (3) tonggak utamanya.
- Melalui ekspresi kreatif, para peserta secara tidak langsung menyumbang kepada usaha kolektif ke arah menamatkan kemiskinan, menggalakkan kelestarian alam sekitar dan memupuk kesejahteraan masyarakat.

Butiran Pertandingan

Siapa yang layak menyertai Pertandingan ini?

- Terbuka kepada semua pelajar institusi pengajian tinggi di Malaysia tanpa mengira program pembelajaran sama ada di institusi awam ataupun swasta. Ini juga termasuk pelajar yang mengikuti pengajian STPM, Pra Universiti, Asasi, Matrikulasi Tempatan atau yang setaraf dengannya.
- Semua peserta mestilah berumur 18 tahun dan ke atas.

Kategori Penyertaan

Siri Pertandingan untuk universiti dan institusi pengajian tinggi dibahagikan kepada tiga (3) kategori:

- Pengimejan Foto
- Ilustrasi
- Seni Berurutan (yang merangkumi kartun/komik editorial tunggal hingga lapan panel)

Bagaimana untuk Menyerahkan Penyertaan?

- Serahkan imej karya seni beresolusi tinggi anda (300 dpi JPEG) melalui [Borang Penyerahan](#) kami **sebelum 23 Jun 2024 (Ahad, 11.59 malam GMT+8)**.
- Karya seni mesti muat dalam dimensi 84.1 sm x 59.4 sm (saiz kertas A1).
- Setiap peserta dibenarkan menghantar maksimum tiga karya untuk satu kategori atau satu karya seni untuk setiap tiga kategori atau gabungan mana-mana kategori berjumlah maksimum tiga karya.

Kriteria Penghakiman

Panel hakim yang dipilih oleh Yayasan Maybank bersama pegawai Kumpulan Maybank akan memilih tiga (3) pemenang hadiah utama dan tiga (3) pemenang hadiah istimewa juri daripada setiap kategori (secara kolektif dikenali sebagai "Pemenang"), berdasarkan kriteria berikut :

- Kreativiti dan keberkesanan dalam mentafsir dan mempersesembahkan nilai teras T.I.G.E.R. Maybank beserta dengan tumpuan untuk mencapai 12 SDG terpilih dalam setiap hasil karya seni peserta, melaui 3 kategori.
 - Nilai teras T.I.G.E.R. Maybank ialah; Kerja Berpasukan, Integriti, Kemajuan, Kecemerlangan dan Keberkesanan, serta Menjalin Perhubungan.
 - 12 daripada 17 SDG yang terpilih ialah; tiada kemiskinan, sifar kelaparan, kesihatan dan kesejahteraan yang baik, pendidikan berkualiti, air bersih dan sanitasi, tenaga yang berpatutan dan bersih, pekerjaan yang baik dan pertumbuhan ekonomi, bandar dan komuniti yang mampan, penggunaan dan pengeluaran yang bertanggungjawab, tindakan iklim, kehidupan di bawah air, dan kehidupan di darat.
- Tahap kemahiran dan kekemasan keseluruhan karya seni peserta.

Hadiah

Kategori	Hadiah
Pengimejan Foto	Tempat Pertama: Hadiah wang tunai RM6000 + baucar RM300 Tempat Kedua: Hadiah wang tunai RM4000 + baucar RM300 Tempat Ketiga: Hadiah wang tunai RM2000 + baucar RM300
Ilustrasi	Tempat Pertama: Hadiah wang tunai RM6000 + baucar RM300 Tempat Kedua: Hadiah wang tunai RM4000 + baucar RM300 Tempat Ketiga: Hadiah wang tunai RM2000 + baucar RM300
Seni Berurutan	Tempat Pertama: Hadiah wang tunai RM6000 + baucar RM300 Tempat Kedua: Hadiah wang tunai RM4000 + baucar RM300 Tempat Ketiga: Hadiah wang tunai RM2000 + baucar RM300
Hadiah Khas Juri	6 x hadiah wang tunai RM500

Semua pemenang akan menerima pemberitahuan untuk menghadiri Majlis Penyampaian Hadiah rasmi, yang akan diadakan di Menara Maybank Kuala Lumpur, dalam bulan Julai 2024, untuk penyampaian hadiah masing-masing. Pemberitahuan akan dihantar melalui e-mel, panggilan telefon atau kedua-duanya sekali.

Peraturan Pertandingan

- Tempoh Penyerahan: 13 Mei 2024 hingga 23 Jun 2024 (Ahad, 11.59 malam GMT+8).
- Karya seni yang dihasilkan mestilah dalam saiz yang ditetapkan iaitu 84.1 sm x 59.4sm (saiz kertas A1).
- Peserta mesti menyerahkan karya seni mereka dalam format digital. Bersama-sama dengan penyerahan karya seni, setiap peserta mesti memberikan kenyataan atau rasional sehingga 200 patah perkataan pada kerja/hasil karya seni mereka, termasuk nama mereka, butiran hubungan dan tajuk karya seni.
- Setiap peserta dibenarkan menghantar maksimum tiga karya untuk satu kategori atau satu karya untuk setiap kategori atau gabungan mana-mana kategori yang dipilih asalkan bilangan maksimum penyerahan karya seni adalah bersamaan dengan maksimum tiga (3) karya seni bagi setiap pelajar.*
[Penafian*: Hanya satu (1) penyertaan terbaik akan dipilih daripada maksimum tiga (3)]
- Setiap penyertaan mestilah baharu, asli, tidak difasilitasi oleh kaedah kecerdasan buatan (A.I.) dan tidak pernah dipamerkan sebelum ini. Penyertaan akan dibatalkan jika karya itu termasuk mana-mana yang berikut yang mungkin melanggar hak cipta mana-mana orang lain atau yang mungkin menafikan keaslian Pertandingan Seni MyTIGER Values:-
 - sebarang salinan atau pengeluaran semula gambar, kartun, ayat atau karya seni yang difasilitasi oleh kaedah kecerdasan buatan (A.I.), dsb;
 - mengandungi apa-apa elemen yang mungkin melanggar hak tanda dagangan dan/atau potret; atau
 - mengandungi potongan daripada bahan bercetak seperti surat khabar, majalah dan iklan
- Peserta digalakkan menghantar karya asli yang dihasilkan dalam tahun ini, 2024.
- Karya seni yang tidak memenuhi kriteria, kurang kualiti (iaitu ketiadaan tafsiran pelajar terhadap nilai T.I.G.E.R. dan 12 SDG terpilih seperti yang dinyatakan dalam 'Kriteria Penghakiman'), didapati menyenggung perasaan atau menimbulkan kesusahan orang awam boleh menyebabkan penyertaan ditolak secara automatik oleh pihak Yayasan Maybank dan Maybank.
- Karya yang terpilih akan dicetak dan dibingkai oleh Maybank dan Yayasan Maybank untuk Pameran Seni Nilai MyTIGER, yang akan dibuka untuk tontonan umum dari 15 Julai hingga 31 Julai di Balai Seni Maybank bertempat di Menara Maybank, 100 Jalan Tun Perak, 50050 Kuala Lumpur. Sebarang perubahan tarikh pameran akan dimaklumkan secara rasmi kepada semua peserta terpilih.

Syarat Hak Cipta dan Penggunaan

- Kecuali jika dilarang oleh undang-undang, penyerahan penyertaan ke dalam Pertandingan ini memberi kebenaran kepada pihak penganjur iaitu Yayasan Maybank dan Maybank untuk menggunakan nama Pemenang, latar belakang (iaitu umur pelajar, nama sekolah, tajuk karya seni), maklumat hadiah yang dimenangi, dan maklumat yang diberikan pada borang penyertaan bagi tujuan promosi bukan untung, tanpa perlu kebenaran lain atau pampasan selanjutnya kepada semua peserta. Tiada pindaan akan dibuat pada mana-mana karya seni yang dipilih untuk tujuan ini.
- Semua karya seni yang diserahkan kepada Maybank dan Yayasan Maybank mengikut peraturan dan syarat penggunaan ini mestilah karya asli peserta. Peserta juga mestilah pemilik semua bahan yang dihantar.
- Semua karya seni termasuk dokumen dan bahan yang diserahkan kepada Maybank dan Yayasan Maybank, adalah hak milik tunggal Maybank dan Yayasan Maybank. Maybank dan Yayasan Maybank berhak untuk mengekalkan semua karya seni yang menang dan sebarang dokumentasi sokongan. Peserta dinasihatkan untuk mengambil gambar penyerahan mereka untuk rekod mereka sendiri sebelum penyerahan.
- Maybank dan Yayasan Maybank bersetuju bahawa Hak Cipta dalam karya seni yang diserahkan oleh peserta adalah kepunyaan peserta. Peserta bersetuju untuk memberikan Maybank dan Yayasan Maybank tanpa had di seluruh dunia, bebas royalti, hak eksklusif untuk menggunakan, mempamerkan, mengarkib dan mengeluarkan semula imej karya seni mereka (termasuk, tetapi tidak terhad kepada risalah, kalender, katalog, kad ucapan dan laman web).
- Setiap peserta berjanji untuk menanggung rugi dan tidak memudaratkan Maybank dan Yayasan Maybank, dan pegawai dan ejennya daripada dan terhadap mana-mana dan semua liabiliti, kerugian, kerosakan, kos dan perbelanjaan berhubung dengan sebarang tuntutan atau tindakan yang dikenakan terhadap Maybank dan Yayasan Maybank atau pegawai dan ejennya yang timbul daripada pelanggaran waranti ini.

Hubungi Kami

- Sekiranya anda mempunyai sebarang pertanyaan tentang Pertandingan ini atau perkara yang berkaitan, sila hubungi pasukan kami di mf.inquiry@maybank.com
-

Terma dan Syarat Umum

- Maybank dan Yayasan Maybank berhak menarik balik, membatalkan, menggantung, melanjutkan atau menamatkan Pertandingan ini lebih awal, keseluruhannya atau sebahagian daripadanya, dan berhak mengubah mana-mana undang-undang dan peraturan yang terkandung dalam dokumen ini, dari semasa ke semasa dengan memberikan sekurang-kurangnya minimum dua puluh satu (21) hari ("hari" hendaklah mempunyai maksud yang sama dengan hari kalender) notis terlebih dahulu, dan notis berkenaan hendaklah disiarkan melalui laman web Yayasan Maybank di www.maybankfoundation.com atau melalui apa-apa saluran lain yang didapati sesuai oleh Maybank dan Yayasan Maybank. Peserta bertanggungjawab untuk mendapatkan maklumat tentang ataupun mencari apa-apa notis sedemikian yang disiarkan secara sah.
- Dengan menyertai Pertandingan ini, peserta bersetuju untuk mengakses laman sesawang Yayasan Maybank di www.maybankfoundation.com secara tetap bagi melihat undang-undang dan peraturan dalam dokumen ini dan mendapatkan penjelasan daripada Maybank dan Yayasan Maybank jika terdapat mana-mana undang-undang dan peraturan yang tidak difahami sepenuhnya.
- Dengan menyertai Pertandingan ini, peserta bersetuju untuk terikat dengan undang-undang dan peraturan dalam dokumen ini serta bersetuju dan memberikan kebenaran supaya data peribadinya dikumpul, diproses dan digunakan oleh Maybank dan Yayasan Maybank menurut pernyata privasi Maybank yang boleh didapati di www.maybank2u.com.my ("Maybank Privacy Statement").
- Sebagai tambahan kepada dan tanpa menjelaskan terma dalam Maybank Privacy Statement, peserta bersetuju dan membenarkan data atau maklumat peribadinya dikumpul, diproses dan digunakan oleh Maybank dan Yayasan Maybank untuk:
 - tujuan Pertandingan; dan
 - aktiviti pemasaran dan promosi yang dijalankan oleh Maybank dan Yayasan Maybank, termasuk tetapi tidak terhad kepada apa-apa bentuk pengiklanan atau media dan bahan publisiti seperti rakaman audio dan/atau visual yang diterbitkan melalui akhbar, rangkaian televisyen, stesen radio atau media dalam talian dan media digital serta dalam internet. Aktiviti pemasaran dan promosi termasuk dan tanpa had kepada penggunaan dan/atau penyiaran apa-apa butiran yang diberikan dalam dan/atau yang berhubung dengan penyertaan, bahan temu bual serta respons dan gambar yang berkaitan. Dalam hal ini, peserta bersetuju untuk bekerja sama dan mengambil bahagian dalam semua aktiviti pengiklanan dan publisiti Maybank dan Yayasan Maybank yang berkaitan dengan Pertandingan.
- Maybank dan Yayasan Maybank serta pegawai, kakitangan, pekerja, wakil dan/atau ejennya (termasuk dan tanpa had kepada mana-mana penyedia perkhidmatan pihak ketiga yang dilantik oleh Maybank dan Yayasan Maybank untuk tujuan Pertandingan ini) tidak bertanggungan terhadap peserta dalam Pertandingan ini bagi apa-apa

kerugian atau kerosakan langsung, tidak langsung, khas atau berbangkit (termasuk tetapi tidak terhad kepada kehilangan pendapatan, keuntungan atau nama baik) yang timbul daripada atau yang berhubung dengan Pertandingan ini melainkan disebabkan oleh apa-apa kecuaian atau peninggalan melampau oleh Maybank dan Yayasan Maybank.

- Maybank dan Yayasan Maybank tidak akan bertanggungan bagi apa-apa kegagalan obligasinya di bawah Pertandingan ini yang disebabkan oleh apa-apa peristiwa force majeure yang termasuk tetapi tidak terhad kepada bencana alam, kekacauan awam, tindakan perang, mogok, rusuhan, sekatan masuk, tindakan perindustrian, kebakaran, banjir, kemarau, ribut, epidemik dan pandemik atau apa-apa peristiwa dan keadaan walau apa pun sifatnya, yang di luar kawalan munasabah Maybank dan Yayasan Maybank.
- Maybank dan Yayasan Maybank boleh membatalkan/menolak mana-mana peserta yang tidak mematuhi undang-undang dan peraturan yang dinyatakan dalam dokumen ini dan/atau didapati atau disyaki mengubah Pertandingan dan/atau prosesnya atau operasi Pertandingan ini yang termasuk aktiviti pemalsuan melibatkan apa-apa tindakan tipu helah dan/atau perdayaan dan/atau penipuan berhubung dengan Pertandingan.
- Undang-undang dan peraturan ini hendaklah dikawal oleh Undang-undang Malaysia dan tertakluk kepada bidang kuasa eksklusif Mahkamah Malaysia.